

RESOLUCIÓN DE ACCESO E ADMISIÓN AO MÁSTER UNIVERSITARIO EN PROFESOR DE EDUCACIÓN SECUNDARIA OBRIGATORIA E BACHARELATO, FORMACIÓN PROFESIONAL E ENSINANZAS DE IDIOMAS.

A Lei Orgánica 2/2006 do 3 de maio de Educación establece a obrigatoriedade de acreditar unha formación pedagóxica e didáctica para exercer a docencia na educación secundaria obrigatoria no bacharelato, na formación profesional e no ensino de idiomas.

Ademais conforma as profesións docentes como profesións reguladas establecendo os requisitos de titulación esixidos para o exercicio de cada unha delas, de xeito que para a profesión de Profesor de Educación Secundaria Obrigatoria e Bacharelato, Profesor de Formación Profesional e Profesor de Ensinanzas de Idiomas requírese o título de máster.

As normas que regulan as condicións ás que deberán axustarse os planos de estudo conducentes á obtención do Máster Universitario de Profesor de Educación Secundaria Obrigatoria e Bacharelato, Formación Profesional e Ensinanzas de Idiomas son:

- Real Decreto 1393/2007 de 29 de outubro polo que se establece a ordenación das ensinanzas universitaria oficiais modificado polo Real Decreto 861/2010, do 2 de xullo.
- Real Decreto 1834/2008 de 8 de novembro, polo que se definen as condicións de formación para o exercicio da docencia na educación secundaria obrigatoria, o bacharelato, a formación profesional e as ensinanzas de réxime especial e se establecen as especialidades dos corpos docentes de ensinanza secundaria.
- Orde ECI/3858/2007, de 27 de decembro, pola que se establecen os requisitos para a verificación dos títulos universitarios oficiais que habilitan para o exercicio das profesións reguladas de Profesor de Educación Secundaria Obrigatoria e Bacharelato, Formación Profesional e Ensinanzas de Idiomas.
- Resolución do 17 de decembro de 2007, da Secretaría de Estado de Universidades e Investigación, pola que se publica o Acordo do Consello de Ministros de 14 de decembro de 2007 polo que se establecen as condicións ás que deberán adecuarse os plans de estudos conducentes á obtención de títulos que habiliten para o exercicio das profesións reguladas de Profesor de Educación Secundaria Obrigatoria e Bacharelato, Formación Profesional e Ensinanzas de Idiomas.

Ao abeiro desta normativa a Universidade de Santiago de Compostela aprobou a memoria correspondente ao Máster Universitario en Profesorado de Educación Secundaria Obrigatoria e Bacharelato, Formación Profesional e Ensinanzas de Idiomas, que foi verificado mediante resolución do Consello de Universidades do 25 de setembro de 2009.

Verbo de todo o anterior, a Universidade de Santiago debe determinar as condicións nas que os estudantes poderán cursar este Máster no curso 2010/2011, polo que

RESOLVE,

1.- Condicións e requisitos de acceso ao Máster Universitario en Profesorado de Educación Secundaria Obrigatoria e Bacharelato, Formación Profesional e Ensinanzas de Idiomas

Terán acceso os Licenciados, Diplomados, Graduados universitarios e, en xeral, todos os que estean en posesión dun título oficial universitario español que os habilite para os estudos de Posgrao, de acordo co disposto no art. 16 do RD 1393/2007 de 29 de outubro, sen prexuízo

do establecido no Capítulo II do Título III da Lei Orgánica 2/2006 de Educación (LOE), que establece os requisitos da titulación para acceder ás profesións docentes.

Deberán acreditar o dominio das competencias relativas á especialización que se desexe cursar mediante a posesión da titulación adecuada á especialidade (ANEXO I).

Os titulados por sistemas de educación doutros países terán acceso ao máster só no caso de que teñan homologado o seu título a un dos títulos oficiais españois no momento de finalización do prazo de preinscrición.

Deberán acreditar un nivel B1 de competencias lingüísticas dunha lingua estranxeira, de acordo co establecido no Marco Común Europeo de Referencia para as linguas segundo a Recomendación N° R (98) 6 do Comité de Ministros de Estados Membros, do 17 de outubro de 2000. Esta acreditación deberá realizarse de xeito previo ou simultáneo á formalización da matrícula.

2.- Prazas ofertadas

As prazas ofertadas por especialidade para o curso 2010/2011 son as seguintes:

ESPECIALIDADE	PRAZAS SANTIAGO	PRAZAS LUGO
Ciencias Experimentais, Matemáticas e Tecnoloxía e Informática	40	20
Ciencias Sociais e Humanidades	40	0
Formación Profesional (Sector Servizos)	20	0
Formación Profesional (Sector Primario e Secundario)	0	20
Linguas e Literaturas	40	20
Artes Plásticas e Música	20	0
Orientación Educativa	20	0

3.- Criterios de Admisión, selección e adxudicación de prazas

O proceso de acceso e admisión, de acordo coa Orde ECI/3858/2007 que regula este Máster, realizarase por especialidades en función da titulación que se posúe (Anexo I). Os estudantes indicarán dentro da especialidade, de forma orientativa, o itinerario da súa preferencia. No caso da especialidade de Formación Profesional os itinerarios ofertados terán os mesmos efectos que as especialidades.

Os estudantes que posúan unha titulación que lles dea acceso a máis dunha especialidade poderán solicitar varias especialidades indicando a orde de preferencia, que será vinculante para a asignación das prazas.

Nas especialidades nas que se oferten prazas nos Campus de Santiago de Compostela e de Lugo, poderá solicitarse praza en ámbolos dous, indicando a orde de preferencia do campus. Neste caso a orde de preferencia será vinculante, de xeito que se a praza se adxudica no Campus de maior preferencia non poderá optar pola praza do outro campus.

So se poderá solicitar prazas nas especialidades nas que se estea exento da realización da proba para a acreditación do dominio de competencias.

Rematado o proceso de matrícula determinaranse os itinerarios que se impartirán en función da preferencia sinalada na solicitude de admisión. Os Itinerarios só se impartirán cando o número de alumnos, que de xeito orientativo indicaron a preferencia, sexa igual ou superior a 10 estudantes, neste caso os estudantes deberán matricular as materias específicas dos itinerarios que se impartan. No caso contrario, que non se impartan as materias específicas do itinerario indicado como preferente, por non acadar o número de alumnos, os estudantes afectados deberán matricular as materias específicas dos itinerarios ofertados que se impartan na especialidade, ou solicitar a anulación de matrícula, de selo caso.

En relación con estes casos, a Universidade podería ditar unha instrución que permitise ofertar estas materias aos estudantes mediante un sistema de titoría e docencia asistida.

A solicitude de praza realizarase a través da secretaría virtual da USC, no prazo que se indica no apartado 7 desta resolución declarando os datos da titulación de acceso e do expediente académico, indicando por orde de preferencia as especialidades que solicita

Para realizar a selección do alumnado, as solicitudes ordenaranse dentro de cada especialidade/campus segundo a nota media do expediente académico, calculada ao abeiro do disposto no Real Decreto 1044/2003, do 1 de agosto (apartado 4.5 do anexo I), aplicando a declarada polos solicitantes no momento de cumprimentar os datos para a súa solicitude de praza.

Para as especialidades de Ciencias Experimentais, Matemáticas e Tecnoloxía e Informática; Lingua e Literatura e Ciencias Sociais e Humanidades nas que se ofertan 40 prazas en cada especialidade no Campus de Santiago de Compostela, establécese unha cota de 5 prazas para cada unha das titulacións de Licenciado/graduado en Matemáticas, Filoloxía Clásica e Filosofía, respectivamente.

4.- Vacantes

Se transcorrido o prazo de adxudicación de prazas nunha especialidade, ou en varias, non se cobren as prazas ofertadas, as que queden libres (vacantes) acumularanse ás especialidades nas que exista maior demanda, seguindo criterios de proporcionalidade.

5.- Matrícula

A matrícula deberá formalizarse a través da secretaría virtual da USC.

Os admitidos na especialidade da súa primeira preferencia, terán que matricularse no prazo que se indica nesta resolución, en caso contrario, decaerán no seu dereito sobre a praza adxudicada.

Os admitidos nunha especialidade en segunda ou menor preferencia, non terán que matricularse mentres figuren en lista de agarda na especialidade da súa primeira preferencia, reservándoseles a praza adxudicada. Na relación de admitidos e de agarda figurará a orde de preferencia e, cando proceda, se teñen reserva de praza.

Os que se matriculen na praza adxudicada en segunda preferencia, xa non poderán optar á praza solicitada na especialidade indicada como primeira preferencia.

Os prezos que se aplicarán por cada crédito será o establecido no Decreto da Consellería de Educación e Ordenación Universitaria, sobre prezos correspondentes á obtención de títulos oficiais no ensino universitario para o curso académico 2010/11.

A matrícula deberá realizarse nos 60 créditos que integran o Máster, de acordo coa oferta do programa de estudos da especialidade.

6.- Comprobación de datos e documentación

Despois de publicadas as relacións de admitidos e de agarda, procederáse á comprobación dos datos declarados. Para estes efectos, os titulados por outras universidades terán que presentar a certificación académica dos estudos cursados, na que figure a nota media do seu expediente, e unha fotocopia compulsada do seu título universitario ou da certificación supletoria que acredite que solicitaron a súa expedición.

Os titulados por outros países terán que presentar a certificación dos estudos cursados, na que figure a escala de cualificacións, e a credencial de homologación do título universitario expedida polo Ministerio español. A documentación expedida por autoridades doutros países deberá estar legalizada e, no seu caso, traducida, de acordo coa normativa que rexe para a validez destes documentos.

Ademais, todos os matriculados deberán acreditar o coñecemento do nivel B1 dunha lingua estranxeira, de acordo co disposto no anexo II do acordo do Consello de Goberno do 4 de xullo de 2008 e na Resolución Reitoral do 8 de xuño de 2010. Os que superaron a proba de nivel B1 no Centro de Linguas Modernas da USC non terán que presentar esta acreditación.

O prazo para presentar a documentación que se indica neste apartado será de 10 días contados a partir do seguinte ao de matrícula, na Unidade de Xestión Académica do Campus Sur ou de Lugo.

No caso de que se declaren datos falsos sobre a titulación de acceso ou do expediente académico que induzan a facer unha valoración errónea do expediente, a ser excluído do proceso de adxudicación de prazas e, de ser o caso, á anulación da matrícula.

7.- Prazos de preinscrición e matrícula

Os prazos para os procedementos que se regulan nesta resolución son os seguintes:

- **Do 3 ao 10 de setembro** poderán realizarse as solicitudes de admisión pola secretaría virtual.
- **O 15 de setembro** publicación das primeiras listaxes de admitidos e de agarda.

- Os admitidos deberán formalizar matrícula nos chamamentos que se realizarán nas seguintes datas:
 - **16 e 17 de setembro 2010:** primeiro prazo de matrícula;
 - **21 e 22 de setembro 2010:** segundo prazo de matrícula, no caso de que quedarán prazas tras o primeiro prazo.
 - **24 de setembro:** terceiro prazo de matrícula, no caso de que quedarán vacantes.

Ata o 15 de outubro poderán presentarse solicitudes de anulación de matrícula.

Disposición final

En todo o que non se regule especificamente nesta resolución, será de aplicación o disposto na convocatoria de matrícula para o curso académico 2010/11, aprobada por Resolución Reitoral do 24 de xuño de 2010.

Santiago de Compostela, 7 de xullo de 2010

O Reitor,




Juan Casares Long

Sra. Secretaria Xeral; Sra. Vicerreitora de Estudos de Grao e Posgrao; Sr. Secretario Xeral Adxunto; Sr. Vicexerente de Xestión Académica; Srs./as Decanos/as e Directores/as de centros; Srs. Coordinadores do Máster Universitario en Profesorado de Educación Secundaria Obrigatoria e Bacharelato, Formación Profesional e Ensino de Idiomas dos Campus de Santiago e Lugo; Sra. Xefa do Servizo de Xestión da Oferta e Programación Académica; Sr. Xefe do Servizo de Xestión Académica; Sra. Xefa do Servizo da Asesoría Xurídica; Sra. Xefa da Oficina de Información Universitaria; Sras./es Xefas/es das Unidades de Xestión Académica; Sra. Xefa da Oficina de Análise e Reclamacións; Sr. Director da Área de Tecnoloxías da Información e Comunicacións

ANEXO I

TITULACIÓNS DE ACCESO AO MÁSTER EN PROFESORADO DE EDUCACIÓN SECUNDARIA OBRIGATORIA E BACHARELATO, FORMACIÓN PROFESIONAL E ENSINANZAS DE IDIOMAS POR ESPECIALIDADES E ITINERARIOS

CORRESPONDENCIA DE TITULACIÓNS DE ACCESO COAS ESPECIALIDADES

(A correspondencia é por especialidades, os itinerarios teñen carácter orientativo)

Especialidade Ciencias Experimentais, Matemáticas e Tecnoloxía e Informática

a) Itinerario da especialidade docente en Ciencias Experimentais (L, S):

Enxeñaría Química
Licenciatura en Bioloxía.
Licenciatura en Ciencias do Mar.
Licenciatura en Farmacia.
Licenciatura en Física.
Licenciatura en Química.
Licenciatura en Veterinaria.
Licenciatura en Xeoloxía

b) Itinerario da especialidade docente en Matemáticas (S):

Arquitectura.
Enxeñarías.
Licenciatura en Física.
Licenciatura en Matemáticas.

c) Itinerario da especialidade docente en Tecnoloxía e Informática (X):

Arquitectura Técnica.
Arquitectura.
Diplomatura en Máquinas Navais.
Diplomatura en Navegación Marítima.
Enxeñarías Técnicas.
Enxeñarías.
Licenciatura en Física.
Licenciatura en Máquinas Navais.
Licenciatura en Matemáticas.
Licenciatura en Náutica e Transporte Marítimo.

Especialidade en Ciencias Sociais e Humanidades

a) Itinerario da especialidade docente en Ciencias Sociais, Xeografía e Historia (S):

Licenciatura en Historia da Arte.
Licenciatura en Historia.
Licenciatura en Humanidades.
Licenciatura en Socioloxía
Licenciatura en Xeografía.
Licenciatura en Economía
Licenciatura en Ciencias Políticas e da Administración

b) Itinerario da especialidade docente en Filosofía (S)

Licenciatura en Antropoloxía Social e Cultural.
Licenciatura en Filosofía.

Especialidade en Formación Profesional

a) Itinerario da especialidade docente en Sector Servizos (S):

Diplomatura en Biblioteconomía e Documentación.
Diplomatura en Ciencias Empresarias.
Diplomatura en Educación Social.
Diplomatura en Enfermaría.
Diplomatura en Fisioterapia.
Diplomatura en Logopedia.
Diplomatura en Podoloxía.
Diplomatura en Terapia Ocupacional.
Diplomatura en Traballo Social.
Diplomatura en Turismo.
Diplomatura en Xestión e Administración Pública.
Licenciatura en Administración e Dirección de Empresas.
Licenciatura en Comunicación Audiovisual.
Licenciatura en Documentación.
Licenciatura en Economía.
Licenciatura en Farmacia.
Licenciatura en Medicina e Cirurxía.
Licenciatura en Odontoloxía.
Licenciatura en Psicoloxía.
Licenciatura en Publicidade e Relacións Públicas.
Licenciatura en Socioloxía.
Licenciatura en Veterinaria.
Licenciatura en Xornalismo.
Mestre en todas as súas especialidades.
Licenciatura en Ciencias da Actividade Física e do Deporte
Licenciatura en Ciencia e Tecnoloxía dos Alimentos.

b) Itinerario da especialidade docente en Sector Primario e Secundario (L):

Arquitectura Técnica.
Arquitectura.
Diplomatura en Máquinas Navais.
Diplomatura en Navegación Marítima.
Enxeñarías Técnicas.
Enxeñarías.
Licenciatura en Máquinas Navais.
Licenciatura en Náutica e Transporte Marítimo.

c) Itinerario da especialidade docente en Formación e Orientación Laboral (☒):

Diplomatura en Ciencias Empresariais.
Diplomatura en Educación Social.
Diplomatura en Relacións Laborais.
Diplomatura en Traballo Social.
Diplomatura en Xestión e Administración Pública.
Licenciatura en Administración e Dirección de Empresas.
Licenciatura en Dereito.
Licenciatura en Economía.
Licenciatura en Pedagogía.
Licenciatura en Ciencias Políticas e da Administración
Licenciatura en Psicoloxía.

Especialidade en Linguas e Literaturas.

a) Itinerario da especialidade docente en Lingua e Literatura Galega e Lingua e Literatura Castelá (S)

Licenciatura en Filoloxía Galega.
Licenciatura en Filoloxía Hispánica.
Licenciatura en Teoría da Literatura e Literatura Comparada

b) Itinerario da especialidade docente en Linguas Estranxeiras (S, L)

Licenciatura en Filoloxía Alemana.
Licenciatura en Filoloxía Francesa.
Licenciatura en Filoloxía Inglesa.
Licenciatura en Filoloxía Italiana.
Licenciatura en Filoloxía Portuguesa.
Licenciatura en Filoloxía Románica.
Licenciatura en Traducción e Interpretación

c) Itinerario da especialidade docente en Cultura e Linguas Clásicas (S)

Licenciatura en Filoloxía Clásica.

Especialidade en Arte.

a) Itinerario da especialidade docente en Música (S):

Licenciatura en Historia e Ciencias da Música.

Título Superior de Arte Dramática.

Título Superior de Danza

Título Superior en Música (en calquera das súas especialidades)

b) Itinerario da especialidade docente en Artes Plásticas e Visuais (S):

Arquitectura.

Licenciatura en Belas Artes.

Licenciatura en Comunicación Audiovisual

Licenciatura en Historia da Arte.

Estudos superiores de Deseño (LOXSE)

Especialidade en Orientación Educativa (S)

Licenciatura en Pedagogía.

Licenciatura en Psicoloxía.

Licenciatura en Psicopedago

=====
Lenda:

S, L: itinerarios que se ofertarán nos Campus de Santiago (S) no caso de que se cubran alomenos 10 prazas e/ou Itinerario que se ofertará no Campus de Lugo (L)

: itinerarios que non ofertará a USC (os alumnos poderán matricularse nos outros itinerarios da especialidade, de ser o caso).

=====